



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

7. Angelus diuitem admonet, vt seruis Dei, fame laborantibus, succurrat.

**urn:nbn:de:hbz:466:1-45653**

rent, in impetrandis schedulis & facultate carnibus vescendi, tempore quadragesimæ ; quippe alimentum à Deo sperarent , putarentque , cum tribus illis sanctis pueris , ipsa se abstinentia fore fortiores pinguiorésque. Nouit ille dare necessaria, nouit vires confirmare suorum: qui diuitibus , &, cuticulæ caussa, nimis sollicitis, delicate que ventrem impletibus, longè plures morbos immittit. Semper enim laborant catarrhis ; semper de capite, aut, dente queruntur, semper cordolum, calculum, stomachi cruditates, podagras & chiragras accusant, cū seipso accusare deberent, sua sibi intemperantia talia accersentes; semper poscunt sumuntque medicinas; vt multi plus accipiant à pharmacopola, quam è culina. Hæc iusto Dei Iudicio, vtrisque contingunt; vt & appareat, non in solo pane vivere hominem, sed in omni verbo, quod procedit de ore Dei, dum mucido pane victantes valetudine sunt meliore; & prudētia carnis, velut Tantalus in vndis, ipsa abundantia sua puniatur.

Vt ergo homines in exemplo doceret , diffidentesque fratres emendaret, & pariter Frontonij fidem etiam in nos diffundet Numen, illo ipso tempore, quo de victu nimium quantum solliciti erant , Angelum de cœlo misit ad copiosum quendam hominem , quadridui itinere à Monachis distantem, ad obsonandum. Intepesta nocte, diues lecto suo accubans dormiensq; nihil minùs, quām de liberalitate somniabat. Aurum plenis manibus comprehendere , Philippaos asperos sibi videbatur numerare , & Ioualibus cœnis interesse. Hunc Angelus , alia repente oblata imagine , ita compellauit: Nempe tu ille splendidus es epulo , qui ventrem faburra imples , & plus solus degulas , quām alij decem; semper satiatus , nunquam famelicus; amphora, gurges, helluo, & vnu de genere Apriorum ; solūmque natus , vt fruges absumas: at serui mei, in dura solitudine, in labore aspero , neque panem habent, quo sustentur ? Ad quid tibi diuitias dedit diuina liberalitas? nisi vt possis esse liberalis ? An, vt te cibis occideres ? vel, vt pauperes illius in vita seruares ? Experciscere, miser,& ni malum vis, audi, quid mandet Deus : Quām primū diluculabit, seruis illius , ex omnibus, quæ tibi data sunt, spōrtulam transmette. Neque graue hoc tibi videatur. Magnum beneficium præstat vniuersi Dominus , si quem gregis sui facit procuratorem. Doni loco ab eo accipit , quæ ipse donauit. Qui ergo te semper pauit, vult nunc à te ipse pasci. Nam placuit illi , ex elec-

## VII.

mosyna tua, reficere pauperes suos; & quidein eos, qui se se illi in locis solis totos consecrauerunt. Hæc exequere. Si neglexeris, scito, te superos iratos, si feceris debitores habiturum.

## VIII.

Terruerunt eum hæc verba, & somnos ruperunt. Nec enim potuit diutiùs dormire à cœlo tam robustis vocibus excitatus. Itaque multò, quām consueuerunt isti, citius stratum deserens, de toto negotio seriò cogitauit. Cum autem nesciret Eremitarum locum, non illico se se excusatum censuit; non sua solūm nixus est prudentia, neque sibi ipse senatus esse voluit; sed necessarijs, amicis, officijs seruisque vndique conuocatis somniúmne dicam, an visum nocturnum? ordine narrauit; & se parere monitis promptissimum ostendit. Ceterūm, quia ipse ignorārat, vbīnam locorum serui illi Numinis morarentur, consilium viāmque sedulò rogauit; æquè audius itineris noscendi, atque exequendi mandati. Adhuc in eum diem Frontonius, cum suis, latebat, in abditissimo montis loco; quem ipsum, ne dum ipsos, præter ipsos nemo nouerat. Quare neque experti, neque qui senectā erant ætate, consilium viae exigenti potuerunt respondere. Et tamen (ō Iudicia Dei!) nondum satis egit, qui consilium non inuenientibus, aut in longum differentibus, sat se egisse arbitrabatur. Quis non putaret, talem excusatum? quis non somnium inanē fuisse, interpretaretur? Nesciebat locum, non nouerat homines; post accuratam inquisitionem, ne diuinare quidem potuit, vbi inuenirentur. Et facile fortasse etiam erat diuini, ventis tradere mandatū liberalitatis.

## IX.

Itaque, curā eleemosynæ largiendæ omni seposita; securus sui, nocte altera quieuit. Sed non quieuit Deus, qui sāpe angustijs plagiisque homines adigit ad bene agendum. Adeſt ergo iterum Angelus, nec iam mitibus atque amicis, sed sāuis, indignantibus, & minantibus verbis vrget torpentem ad seriam mandati executionem; ac, ne denuò somnium esse existimet, addit⁹ verbis acribus grauia verbera, & iſtibus confirmat sermonem. Tū verò ille se è plurim⁹ aſtutum proripit, rursūmque, & familia omni, & vicinis vndique citatis, consilium non iam rogat, sed flagitat, iubētque, per alios quoscunque, sedulò inquiri in habitationem Eremitarum, si ipsi nesciant. Verbis vim lachrymæ addiderunt; lachrymas autem non de nihilo cadere, ostendebant nondum obductæ cicatrices, ab Angelo percutiente, relictæ. Multūm agitata est quæſtio. Nescientibus cunctis, nec viam consulendi inuenien-

ti.